

«06» հոկտեմբերի 2020թ.

ք. Սիսիան

Ես՝ ՀՀ ՊԵԿ Հարավային մաքսատուն-վարչության պետ Հայկ Միրզոյանս, ուսումնասիրելով «ԱՄԳ ԸՆԿԵՐՈՒԹՅՈՒՆ» ՍՊԸ-ի տնօրեն Գագիկ Վաչիկի Մանուչարյանի /նույն քարտ՝ 004225470, ք. Սիսիան, Հ. Ազոյան 6/8/ կողմից «Ներքին սպառման համար բացթողում» մաքսային ընթացակարգով թիվ 05100040/140920/0003282 ապրանքների հայտարարագրով հայտարարագրված ապրանքների վերաբերյալ փաստաթղթերը.

Պ Ա Ր Զ Ե Ց Ի

«ԱՄԳ ԸՆԿԵՐՈՒԹՅՈՒՆ» ՍՊԸ-ի տնօրեն Գագիկ Վաչիկի Մանուչարյանի կողմից թիվ 05100040/140920/0003282 ապրանքների հայտարարագրով հայտարարագրված ապրանքների համար հաշվարկված մաքսատուրքը և բնապահպանական հարկը վճարվել են սահմանված ժամկետից ուշ:

Հարկային օրենսգրքի 162-րդ հոդվածի 2-րդ մասի համաձայն մթնոլորտային օդ վնասակար նյութերի արտանետման համար բնապահպանական հարկ վճարողներ են համարվում՝

2) արտանետման շարժական աղբյուրներից մթնոլորտային օդ վնասակար նյութեր արտանետող՝

ք. Հայաստանի Հանրապետություն մուտք գործող՝ Հայաստանի Հանրապետությունում չգրանցված (չհաշվառված) ավտոտրանսպորտային միջոցների սեփականատերերը կամ նրանց լիազորված անձինք (ներկայացուցիչները):

Հարկային օրենսգրքի 181-րդ հոդվածի 3-րդ կետի 2-րդ մասի համաձայն.

Շրջակա միջավայրին վնաս պատճառող ապրանքների ներմուծման համար բնապահպանական հարկը Հայաստանի Հանրապետության պետական բյուջե է վճարվում հետևյալ ժամկետներում ու կարգով.

«Մաքսային կարգավորման մասին» ՀՀ օրենքի 100-րդ հոդվածի 1-ին կետի համաձայն մաքսային ընթացակարգերի շրջանակներում պետական տուրքերը պետք է վճարվեն հայտարարագիրը ներկայացնելուն զուգահեռ:

«Վճարման հանձնարարականով միջոցների փոխանցումների մասին» ՀՀ օրենքի 2-րդ հոդվածի համաձայն.

Վճարման հանձնարարականով միջոցների փոխանցումը (այսուհետ՝ միջոցների փոխանցում) վճարողի կողմից վճարման հանձնարարականի ներկայացմամբ սկսվող՝ դրանում նշված շահառուին նախատեսված գումարը վճարելու նպատակով իրականացվող հաջորդական գործողությունների համակցություն է: Միջոցների փոխանցումը ներառում է վճարողի վճարման հանձնարարականը կատարելու նպատակով վճարողի բանկի կամ միջնորդ բանկի կողմից հաջորդ բանկին ուղարկված վճարման հանձնարարականը: Միջոցների փոխանցումն ավարտվում է շահառուի բանկի կողմից շահառուի օգտին վճարողի վճարման հանձնարարականի ակցեպտավորմամբ:

ՀՀ ՊԵԿ ՀՄՎ ավագ մաքսային տեսուչ-իրավաբանի կողմից 17.09.2020 թվականին Գագիկ Վաչիկի Մանուչարյանի նկատմամբ կազմվել է վարչական իրավախախտումների վերաբերյալ արձանագրություն:

Գագիկ Վաչիկի Մանուչարյանը փոստով պատշաճ ծանուցվել է գործի քննության անցկացման վայրի և ժամանակի մասին, սակայն չի ներկայացել հրավիրված քննությանը և գրավոր որևէ բացատրություն կամ դիրքորոշում չի ներկայացրել:

«Վարչական իրավախախտումների վերաբերյալ» ՀՀ օրենսգրքի 170³ հոդվածի համաձայն՝ հարկերը, տուրքերը և օրենքով սահմանված պարտադիր այլ վճարումները սահմանված ժամկետներում չվճարելն առաջացնում է տուգանքի նշանակում սահմանված նվազագույն աշխատավարձի տասնապատիկից մինչև քսանապատիկի չափով:

Այսպիսով, վարույթի նյութերով հիմնավորվում է, որ «ԱՄԳ ԸՆԿԵՐՈՒԹՅՈՒՆ» ՍՊԸ-ի կողմից ՀՀ ներմուծված ապրանքները հայտարարագրվել են թիվ 05100040/140920/0003282 ապրանքների հայտարարագրով, որով առաջադրված մաքսատուրքի և բնապահպանական հարկի վճարումները սահմանված ժամկետում չեն կատարվել, ինչով պայմանավորված ընկերության տնօրենի կողմից թույլ է տրվել «Վարչական իրավախախտումների վերաբերյալ» ՀՀ օրենսգրքի 170³ հոդվածով նախատեսված իրավախախտում:

Ելնելով վերոգրյալից և ղեկավարվելով «Վարչական իրավախախտումների վերաբերյալ» ՀՀ օրենսգրքի 170³, 214-րդ և 234-րդ հոդվածներով՝

Ո Ր Ո Շ Ե Ց Ի

1. Գագիկ Վաչիկի Մանուչարյանին «Վարչական իրավախախտումների վերաբերյալ» ՀՀ օրենսգրքի 170³ հոդվածով սահմանված իրավախախտում կատարելու համար ենթարկել վարչական պատասխանատվության՝ տուգանել **10.000** ՀՀ դրամի չափով:
2. Որոշման մասին հայտնել Գագիկ Վաչիկի Մանուչարյանին:
3. Որոշումն ուժի մեջ է մտնում որոշման կայացման մասին իրազեկելու հաջորդ օրը, կարող է բողոքարկվել վարչական և դատական կարգով, ուժի մեջ մտնելուց հետո երկամսյա ժամկետում:

Սույն որոշումն ուժի մեջ է մտնում դրա ընդունման մասին իրազեկելուն հաջորդող օրը և «Վարչարարության հիմունքների և վարչական վարույթի մասին» ՀՀ օրենքի 10-րդ գլխի նորմերին համապատասխան կարող է երկամսյա ժամկետում բողոքարկվել վերադատության կարգով կամ ՀՀ վարչական դատարարության օրենսգրքով սահմանված կարգով՝ վարչական դատարան:

Սույն որոշումը կամավոր չկատարվելու դեպքում այն կկատարվի «Դատական ակտերի հարկադիր կատարման ծառայության» միջոցով՝ պարտապանի հաշվին:

Սույն որոշմամբ նշանակված տուգանքի վճարման հաշվեհամարն է. **900005024055՝ 10.000 ՀՀ դրամ, նշել 30 կողը:**

ՀԱՐԱՎԱՅԻՆ ՄԱՔՍԱՏՈՒՆ-ՎԱՐՉՈՒԹՅԱՆ ՊԵՏ



ՀԱՅԿ ՄԻՐԶՈՅԱՆ